

DE SUCCINO

bus per descensum, vbi oleum aquæ subiectæ innatat. Id verò, quod crassum, fœculentum, ac nigrum bitumē est, subsidet in imo aquæ. Simile nigrum, viscidum & lentum bitumen, vel crudum Succinum, ante paucos annos, cum in nostro Sudinorum litore præcipitium montis in mare deuolutum esset, maiori in copia, quàm vnquam antea reperiēbatur, fortassis quòd ibi terrâ fluctibus maris dirutâ & remotâ, venæ Succini factæ patentioris scaturiginem subesse, quæ tamē hæctenus nondum explorari potuit, illud demonstraret. Dum verò sic liquidum est Succinum, mirum nō est diuersa genera vermium, muscas, culices, & alia pleraque inuolui: dum vel suauiori halitu afficiuntur, & fluitanti materiæ insident: vel dum in specubus subterraneis exhalatione acriori suffocati, concidunt & implicantur massæ liquidæ. Verisimile quoq; est in canalibus istis excauatis, nō tantum

tum